

Museo Civico V. 13

# VOTVM

Excellentissimi D. Ioannis  
Marfilij Neapolitani Theo-  
logi, pro Serenissima Repu-  
blica Veneta.



VOTVM

Excellentissimi D. Joannis  
Martij Napolitani Theo-  
logi pro Secretissima Re-  
publica Vener.

EXCELLENTISSIMI D. IOANNIS

*Marsili Theologi Neapolitani proserenissima  
Republiea Veneta,*

VOTVM.

**V**OB ad me misisti Votum, antea legeram, atque, vt ingenue fatear, cuiusnam fuisset suspicari vix potui, agnoscebam stylym, sed ex ipso non audebam pandere nomen auctoris. Verum cum illud ab Illustrissimo Cardinali Baronio nuncupatum, atque prolatum fuisse serio & constanter confirmatum sit, suspicionem summam admirationem cōuertit, quod vir dignitate clarissimus, opinione celeberrimus, eruditione præstans ipsum conceperit, ac parænetico illo declararit, quod vix alius ausus esset, qui non fuisset tantæ auctoritatis. Atque eo magis mea adaugetur admiratio, quod eius consiliis, ac votis videam illa incendia non timeri, cuius putassem adhortationibus atque auctoritate, si ab quouis alto succensa fuissent, illico potuissent ac debuissent restingui. Quid dicam? nescio. Horreo, atque obstupeisco. Non tamen permittam licet mens parumper hæreat, vt calamitas retardetur. Quod ea libentius efficiam, quia non solum arbitror hoc me vobis rem gratam, sed multo magis Christianæ Reipublicæ vniuersæ vilem esse facturum, atque vt inde exordiar, vnde Cardinalis ipse sui voti sumit initium.

Duplex, inquit, est Beatissime Pater ministerium Petri, Pascere & Occidere. In ipso vestibulo non parum offendo, Petri officium est pascere, non inficior, at quomodo sit occidere quis intelligat? cui dictum aliquando fuit, conuertere gladium tuum in vaginam, quia zelo, sed non secundum scientiam illum eduxerat, vt ait S. Augustinus de Agone Christiano cap. 29. & S. Io. Chrys. in Matth. Quis deinde in animum inducat tuum, quo pacto duo illa ministeria copulentur: fouent Pastores ouilia, Lupi iugulant: Pastores custodiunt, Lupi perdunt: Pastores pascunt, Lupi occidunt: ipse tamen, Homo Pacis, Pastoris esse duplex ministerium, pronuntiat? Pascere, & Occidere. Auditur a Petro Io. vltimum amoris testimonium, & trinx negationi redditur trina confessio, ne minus amoris lingua feruiat, quam timori, deinde a Christo Domino dicitur, Pisce oues meas, nec sine magno Sacramento atque mysterio ter de Amore, & Caritate ipsum Christus interrogat, cui amoris & caritatis, non discordiæ ministerium demandabat. Sed iam Sanctissimos Patres locum illum explicantes audiamus.

Glossa. † Ter dictum est Pisce, ad significandum, quod habentes curam animarum debent subditos pascere pastu verbi Dei, & boni exempli, & prout possunt, etiam subsidio temporali. Sed illud, quod hic dicitur pascere, aliqui inani mutar in tonde, quia multum student circa subditos exactiones temporalium exercere, & de pastu dicto triplici non curare.

S. Io. Chrysost. Homil. 8. perpende verba, pascere agnos meos, id est fideles meos, non tuos, non vt rem tuam, sed vt meam tracta, propterea petiui an me amares, quia rem meam tibi cōmendare volui, & a te tanquam meam tractari, quæ amorē

erga me profiteris, erga illos exerce, ipsique exhibe, pascere autem non te, sicut illi preciebant Pastores, de quibus dicitur Ezechielis 34. v. Pastores Israël, qui seipsum pascebant. Ille seipsum pascere dicitur, qui propriam utilitatem, gloriam & commodum, non ipsorum fidelium, quos gubernat, non Dei gloriam ex regimine quarit.

S. Augustinus tract. 132. in Io. Qui hoc animo pascunt oues, ut suas velint esse non Christi, & conuincuntur amare, non Christum, vel gloriandi, vel dominandi, vel acquirendi cupiditate, non obediendi, non subueniendi, non Deo placendi caritate, contra hos igitur vigilat toties inculcata vox Christi, quos Apostolus gemit, sua querere, non quæ Iesu Christi.

Et rursus. Sicut oues meas pascere, non sicut tuas, gloriam meam in eis querere, non tuam, lucra mea, non tua; Hoc idem docuit ipsemet Petrus prima Epist. c. 5. Pascere inquit, qui in vobis est grex, non coacte, sed spontaneæ, neque turpis lucra gratia, sed voluntarie, neque dominantes in Cleris, sed forma facti gregis ex animo. Alios prætereo, qui quoniam omnes eodem spiritu Dei afflati in eandem explanationem conueniunt, nihil attinet plura congerere, satis fuerit ante oculos posuisse, quæ sit Christiani forma Pastoris, non solum à Christo Domino adumbrata, sed etiam à Sanctis. Doctoribus optimis coloribus, ac lineamentis expressis, quam quomodo illi præferant, qui quotidie pro rebus temporalibus bella succendunt, qui sua lucra, suum commodum, suam gloriam querunt, haud intelligo. Tum id prægit.

*Cum vero non cum ouibus & agnis negotium sit, sed cum leonibus & aliis animalibus refractariis & aduersariis agendum sit, Petrus iubetur eas occidere, obistere scilicet, pugnare & expugnare, ne tales sint penitus.*

Ut autem hanc occasionem esse Excommunicationem putet, non solum adducitur scripturæ loco Actorum, 10. Vbi dictum est Petro, macta, & manduca. verum etiam verbis Nicolai V. Pontificis Maximi, qui excommunicationem dicit non esse ad occidendum venenum, sed ad sanandum apostissimum medicamentum.

Præclare, & nihil ingeniose, verum videamus num ad suam tem, atque propositum: Voluit Deus per Angelum Petro ostendere non solum circumcisos esse baptizandos, ut male ipse sibi persuaserat, sed etiam qui erant ex præputio & Gentiles, ex quibus erat Cornelius Centurio. Ut ergo illum ab errore tenueretur, eumque mirabiliter ad baptizandum Cornelium adduceret, ei per visum, siue exhalationem ostendit discum, plenum omnibus animalibus, in quo illa, quæ erant Hebræis ad sacrificandam, & vescendum permixta, ac verita viscebantur, atque ei dictum est Macta, quod vocabulum est proprium sacrificiorum, quare alij vertunt in mactola & manduca, quamquam non nego, ab S. Augustino, & alijs sic legi, occide, & manduca, id est Gentiles, per Baptismum, ad Ecclesiæ corpus adiunge. Quæ interpretatio non solum cum Historia, cum verbis Petri consonat, sed est vnanimis consensus SS. Patrum.

S. Augustinus occasione secunda in pag. 30. quos Dominus lucramur, manducat Ecclesiæ, cepus personam gerebat Petrus quando de Cælo ei submissus est Lintheus plenus omnibus animalibus, in quibus gentes figurabantur, præfigurabat Dominus Ecclesiæ, quod omnes gentes erat, scilicet per baptismum, transuoraturæ, & in corpus suum conuersuræ, & ait Petro occide, & manduca. Occide quod sunt, & fac quod es.

S. Ambrosius in Epist. ad Vercellensem. Ecclesiæ tom. 3. l. 10. Quod sibi vult scriptura, quæ docet ieiunasse Petrum, & ieiunantem atque orantem de bapti-

zendis Gentibus reuelatum esse mysterium, nisi ut ostendat ipsos Sanctos cum ieiunant, tunc fieri præstantiores.

S. Hieron. in Threnos. Hierem. cap. 3. Petro ostensis in figura Gentibus dictum est, *maçta*, & manduca, id est vetustatem earum scilicet per baptismum contere, & in corpus Ecclesiæ ac sua membra conuertere.

S. Gregorius 30. moral. ca. 7. vel 11. Petro esurienti, sed iam valenti ostensa per Lintheum gentilitate, quasi monstrata præda, dicitur *maçta* scilicet per Baptismum, & manduca.

Venerabilis Beda: Animalia illa Gentes sunt in erroribus immundæ, sed trina submissione, id est mysterio Trinitatis in baptismo mundantur, quæ relicta Hæmæ in imagine, Bestiarum, & Serpentium figuras sumpsērunt. Hæc Patres, atque adeo omnes sacræ scriptoræ interpretes. Ino vero Cardinalis ipse meæ est sententiæ optimus defensor, oppugnator suæ, qui explicans visionem Petri tom. 1. Annaliū Anno 41. n. 6. sic inquit. Quid autē sibi voluerit cælitus ostensa visio plane exitus declarauit, ita ut humana interpretatione nō videatur indigere, nimirū eo mysterio Ecclesiam ex Gentibus colligendam esse significatū, quo loco per agnos dicit intelligendas gentes, quæ post oues, id est Iudeos conuersæ sunt, quod etiam baptismus cō. uulsus fuit Petro, cū ei dictum fuit, pascce agnos, pascce oues, ipse autem erat Petra, quæ debebat duos parietes coniungere Iudeorum & Gentium, quo etiam loco citat Ambrosium, Augustinum, Cyrillum Alexandrinum, Gregorium, atque omnes Patres concludit in hæc fuisse sententiā, ut lo-cum occide, & manduca, de baptismo gentium interpretarentur, ubi ne verbum quidem de excommunicatione. Postea vero sui oblitus hunc ipsum locum siue in suam rē adducit, siue interpretaudo, quod pace tanti viri dictum sit, nihil mihi satisfacit. Primo quia nouam & penitus singularem interpretationē fabricatur, quod in sacrosanctis Conciliis serio prohibetur.

Præterea verba Tridentini Sess. 4. c. 2. Decernit Sancta Synodus, ut nemo suæ prudentiæ innixus, in rebus fidei, & morum, ad ædificationem Doctrinæ Christianæ pertinentium sacram scripturam ad suos sensus contorquens, contra eum sensum qui tenuit, & tenet Sancta Mater Ecclesia, cuius est iudicare de vero sensu, & interpretatione scripturarum Sanctorum: aut etiam contra vniuersum consensum Patrum ipsam scripturam sacram interpretari audeat, etiā si eiusmodi interpretationes nullo vnquam tempore edendæ forent: qui contrauerint per ordinarios declarentur, & penitus a iure statuti puniantur. At Illustrissimus Cardinalis locus, qui est de baptismo, interpretatur de Excommunicatione, quod quantum sit à verisimili ratione, ne dicam ab omnibus Sanctissimis Patribus alienum, facile percipi potest. Baptismus nullo modo Christianos, sed Paganos Gentiles, Hæbræos, atque illos, qui Christiani non sunt, mandat, ac lauat: Excommunicatio nullo modo in Gentiles, aut Paganos, aut Hæbræos ferri potest, sed tantū in Christianos grauissime peccantes, & in peccatis obstinatos, dū tamē sperator emendatio, quia est quædam fraterna correctio. Sed audio ipsum interrogatē, cum dictum sit Petro *maçta*, & manduca, quia nimirum Petrus ad baptizandum Cornelium Gentilem vocabatur, vel ut ait S. Gregor. 18. moral. cap. 20. vel 22. quia Petrus est os Legis id est Ecclesiæ, quæ collectione Gentium delicta, nequaquam se ad illum Iudææ Pōpulum occupauit. Licet hic mihi exclamando admirari, tamē ne fuit eruditissimo Cardinali locorum sacræ scripturæ ad suam confirmandam sententiā mendicatas, ut nullum, nisi hunc inueniret, contra vniuersum cōfessū Patrū, & ut cū Concilio loqueretur, ad sibi ipsius, sequi plane cōtori: ut vel ex hoc, pateat sententiæ ipsius imbecillitas atque infirmitas. Adiungit præterea.

Leones, & animalia refractaria occidenda esse, id est, excommunicanda. Cor Leonum tantum meminerit vix intelligi, nam sunt animalia magis fera, & refractaria, rapaces nimirum volucres, Tygres, venenate serpentes de Leon. nihil tale reperio, nisi forte quod eorum proprium sit, quod fuit etiam Romanorum. Parcere subiectis, & debellare superbos. Veniamus nunc ad probationem, quæ nihilo minus, venia tanti viri dictum sit, cuit, atque ratio, quæ in ipsa fundatur.

Excommunicatio, inquit, est occisio, quia Nicolaus V. dicit esse, non ad occidendum venenum, non percipio illationem, nisi fallor, contrarium infertur, Nicolaus dicit excommunicationem non esse ad occidendum venenum. Ergo excommunicatio non est occisio, quod si ita est, quomodo dictum est Petro occide, & manduca, id est Excommunicationem inflige? Ad hæc, *Perge igitur*, inquit, *Beatissime Pater, quod capisti, in quo non est qui te arguere possit nimia festinationis.*

Vt verò hanc, quam ipse constat rationem magis accendat atque inflammet, locum Pauli refert, qui scribens ad Corinthiorum Ecclesiâ, *In promptu*, inquit, *habentes vilesces omnem inobedientiam*: Ad extremum concludit le ipse exultare quod videat in sua senectute sedere in Sede Petri alterum Gregorium septimum, atque Alexandrum tertium, ambos ex Senensi Metropoli, unde Summus Pontifex Paulus originem ducit.

Fateor illos Pontifices fuisse vnum Senensem, alterum ex Metropoli, sed hæc commemoratio causam potius infirmat, quam toborat. Neque video cur ei sit propterea exultandum, cum sit potius deplorandum ipsum tamdiu vixisse, vel in mente venerit tempora illorum Pontificum plane miserrima, & calamitissima exoptare. Verum ad rem propius accedamus. Concilium Tridentinum Sess. 25. c. 3. de excommunicatione loquens audiamus.

Quamvis excommunicationis gladius neruus sit Ecclesiasticæ disciplinæ, & ad continendos in officio populos valde salutaris, sobrie tamen, magna que circum spectione experientia docet, si temere, aut leuibus ex rebus incutiat, magis contemni, quam formidari, & perniciem potius parere, quam salutem. Idcirco sessione eadē c. 20. Principes, Reges, Respu. Imperatorē tantū admonet, sine strepitu, sine minis, sine fulminibus, vt Ecclesiastici iuris protectores esse velint, ne qui illud impediunt: Vide quam moderate, quanto cum honore cum Principibus agas, quos non excommunicatione ferit, quibus excommunicationem non minatur, sed tantum admonet vt venerentur Ecclesiasticum ius, vt illud impediens tantum quam protectores coerceant? Cardinalis vero sine vlla causa Pontificem animat, vt Religiosissimam Reipublicam, Christianæ Religionis Propugnaculum, Catholicæ ac Romanæ sedis Basin, atque firmamentum excommunicatione percutiat? Atque hortatur, vt spatio sex mensium, ad arma excommunicationis in Principem inferenda peruelet, à quibus tres Summi Pontifices, Paulus, Iulius, & Pius; Concilium vniuersum post 18. annorum discussionem verbis, atque exemplo abstinendum esse significauerunt. Si hæc non fuit festinatio, quæ tandem illa erit? Illud etiam me non parum commouet, quod ad eiusmodi festinationem excusandam Paulum citat, apud quem est. *In promptu habentes vilesces omnem inobedientiam.* Quid est in promptu habere, nisi potestatem habere? Cardinalis vero actus, ac potestatem confundit, ac potestatem habere non est statim ad actum deuenire: etiam Principes seculares potestatem gladij in promptu habent, non tamen ex eo fit vt sine causa illa vtiantur. Sed non patiar quemquam ex hoc Pauli loco, qui alatus est, tam cito emergere. Attendamus itaque Paulum ad ipsos Corinthios scribentem, *Prædico his qui peccauerunt, quoniam si venero iterum non parcam, ab-*

scns

lens dico, ne præsens duris agam, secundum potestatem, quæ data est mihi à Do-  
 mino in edificationem, non in destructionem. Hic est Paulus quæ Cardinalis citat.  
 Et primo quidem ei erat negotium cum peccantibus maximo peccato, hoc est in-  
 fidelitatis. Deinde ait, se nihil in absentia acturum. Postremo affirmat se vsurum  
 potestate non ad destructionem, sed ad ædificationem. Si Paulum Apostolum  
 Paulus Pontifex in his omnibus imitatus fuisset, certè à nemine argui festinationis  
 posset. At quod nam tandem est peccatum eorum, in quorum occisionem, id est,  
 excommunicationem Cardinalis Pontificem exaudivit? omnino nullum libertatem  
 qua hæcenus vti sunt in suo dominio, Ecclesiastici Concilii Tridentini monitis  
 parentes, tanquam protectores custodiunt: quam nunquam habuerunt, quamque  
 eos habere neque æquum est, neque conducit ipsi Reipublicæ, non vsurpant? At-  
 qui multi tenent immunitatē esse de iure divino? nihil mea interest. Nā multi etiā  
 tenent, & quidem firmiter rationibus esse de iure humano, quorum Catholi-  
 cam Opinionem quia sequitur Christianissima Respublica excommunicatur? cer-  
 te qui hoc facit, potestate nō vitur in illos qui peccatū nullū habēt. Deinde Pau-  
 lus Pontifex absens molitur est spicula, hoc est falsis quorundam suasionibus ac  
 relationibus inductus, quod si præsens, & coram Religionem singularem, Pietate  
 insignem Serenissimæ Reipublicæ vidisset, causas ponderasset Iustitiæ trutina,  
 quam in eius manu Cardinalis collocat, numquam in tam impeditum Labyrin-  
 thum ipso eodem fortasse Duce, se imimisisset. Denique ad quam ædificationem  
 Ecclesiæ, vsus sit potestate, non facile intueor. Vniuersus orbis terrarum, veritate  
 iam perspecta, meruit ne ex his subitis motibus Summa quædam destructio ex-  
 istat, cum tamen nemo sit, qui vel longissime perspiciat vllam ædificationem. Ad  
 hæc Paulus minatus est Populo illi, quia agebatur de toto asse, hoc est de fide, nec  
 tamen post tonitrua inorant fulmina, at nunc, pro leuissima suspitione, & omnino  
 sine vlla causa prius, vt ita dicam, iacta sunt fulmina, quam visæ sint coruscationes,  
 aut sint audita tonitrus. Certe ex ore alicuius spiritus procellarum. Sane vtendum  
 fuit non subita seueritate, quæ nihil prodest, sed suauitate, qua nouimus etiam re-  
 fractaria animalia, vt ipsius verbis vtar, sepiissime cicurari. Huius suauitatis memi-  
 nit Concilium Tridentinum Sess. vltima in fine ubi ait, se confidere, si aliquæ  
 difficultates de nouo in prouincijs circa obseruationem Concilij oboriantur, Sū-  
 mum Pontificem curaturum, vt vel hominibus ad illas superandas ex prouincijs  
 conuocatus, vel etiam generali Concilio, vel alio meliore modo prouincijs  
 necessitatibus, pro Dei gloria, & Ecclesiæ tranquillitate consulatur. Veniamus  
 tandem ad Gregorium 7. & Alexandrum 3. expectabam vt Cardinalis locum pro-  
 xime citatum ex Concilio, Pontifici proposuisset, aut eorum Pontificum exem-  
 pla imitanda, quorum fuit in tractandis negotijs summa dexteritas, qui pacifice,  
 & feliciter Christianam rempublicam tanquam Christi Vicarij gubernarunt.  
 Quis credit? Gregorij, & Alexandri cupit renouari calamitates, vulnera resticari.  
 Tz det me illorum Pontificum Historias recensere, legant quæ dicam in vitis ip-  
 sorum, ac præcipue in Platina. Omitto aliam fuisse causam Henrici & Friderici  
 qui Simoniaci, ne quid prius dicam habiti sunt: aliam esse causam Serenissimæ  
 Reipublicæ Venetæ, quæ si vnquam Catholica fuit, vt reuera semper fuit a suo  
 exortu, nunc præcipue est religiosa ac pia, tantum quæro quid consecutus est Gre-  
 gorius post tot tumultus, qui ex eius in Henricum Anathemate excitati sunt, post  
 tot schismata in Romanam Ecclesiam? post tot excidia, quibus Italia vniuersa  
 interit? Ipse tandem cum Guiscardo Calabria Duce quem amicū habuit, ac  
 protectorem, qui nihilo erat melior, quam Henricus, imo fortasse prior ab vrbe



Roma, quam Gaiscardi milites populati fuerant, cuius templa profanauerant, Sacellum concessit, ubi exsul, ac profligatus macie, ac dolore confectus tandem interijt. At Henricus filius cum Pascale 2. in gratiam rediens, non solum ab Anathemate se absolui non est passus, sed omnia quæ Imperator fecerat, rata habuit, tandem splendidissime coronatur. Dicat quæso Cardinalis quis vici? Gregorius? an Henricus? sicine vindicatur libertas Ecclesiasticæ? hoc est vincere, quid erit perdere? si immunitas sic restituitur, quomodo labefacturi?

De Alexandro 3. quid commemorem? tandem aliquando Roma pulsus Venetias appulit, ubi ne priuatam vitam ageret, Venetum Religio non permisit. Illi agnito omnia Summi Pontificis ornamenta publicis impensis addita atque restituta, deinde agi cepit de pace Italix restituenda quam illi Alexander suis excommunicationibus ademerat, denique perfecta res est. D. cis Venetiarum celeberrima victoria, qua Imperatorem Fridericum ad osculandum Pontificis pedes adegit, atque ad tollendas discordias. Quis vici, Alexander, aut Dux Venetiarum Sebastianus Zianus? Nihil est tunc Alexandro de Ecclesiastica libertate restitutum: pedum oscula, quæ Fridericus ei ante dissidia non negauerat tantum extorlit. Si hoc tantum consecutus est Pontifex Paulus, Cardinali Bironio hortatore, atque dace, quod Gregorius & Alexander consecuti sunt, quid attinet tanta sparge re semini perturbationum, tanta incendia preparare?

Hoc est meum votum, ut ab ipso Cardinali admonetur, ut illorum Pontificum exemplis ab incepto se remoueat, & quod ipsius hortatu nimia festinatione commisit, quam citissime detestetur, corrigat, & emendet. Hoc si fecerit non dubium est, quin ei daturus sit Deus faciem duriorē faciebus, & frontem duriorē frontibus infidelium, de quibus Propheta loquitur, nimirum quia erit mirus & neuus, & Columna ferrea fundata etiam in armis atque presidio Christianissimi Principis Veneratum.

Tandem, ut hoc meum votum, non meo, sed ipsiusmet Cardinalis Baronij siquo committam, quo maior illi ab omnibus adhibeatur fides, velim memora repetas, quæ in tomo X. Annaliū anno 878. partim ab ipso narrata, partim ex propria sententia pronuntiata leguntur. S. Ignatius Patriarcha Constantinopolitanus Ioannæ VIII. Summi Pontificis, post trium monitorium, Mense Aprilis, censuris percussus suspensus, & Patriarchatus, ac Summi Sacerdotij dignitate priuatus fuit, nisi suos Episcopos, & Sacerdotes à regione Bulgarorum inter triginta dies reuocasset, quinqua. n. d. ceret, ad suam iurisdictionem pertinere illam Prouinciā tandem mortuus est in hac sua opinione, neque vquam Pontificis sententiam obseruauit, post mortem vero, et miraculis claruit, ut sit in sanctorum numerum relatus, eiusque dies festus, celebretur tam a Græca, quam Romana Ecclesia die 23. Octobris, qua mortuus est: huius Sanctissimi viri factum sic Cardinalis excusat.

De ipso S. Ignatii obitu, ex eodem auctore Niceta athenis. Nulle amouendus est scrupulus, quo offendi quisque facile poterit, qui audierit superius recitatam Ioannis Papæ Epistolam, qua nimirum ipsa Ignatium nimis perstringit, & a communione catholica segregat, nisi intra triginta dierum spatium, reuocet ab se ordinatos Episcopos Bulgariæ, quauis autem ab Ignatio ista minime impleta inueniantur, constat tamen eundem semper usque ad obitum in Catholica Romana Ecclesiæ communione fuisse retentum, quod eiusdem Ioan. Epistola ad dimensos, data post Ignatii obitum docet, etiam de his nulla penitus dubitatio oriri possit.

Ut autem probet fieri potuisse, ut post elapsum tempus Monitorij cum sua



ſua ſententia tamen Ignatius perſeueraret , cenſuras non incurrerit , confiteſtur eum non occidiſſe , neque quia tempus non fuit elapſum ait non incurſiſſe , ſed hanc adhibet excuſationem .

Neque eſt quod quis ob ſitem hanc Ignatium fuiſſe animo in Apoſtolicam Sedem inſenſo exiſtmet , vel ingrato , cum qua iurus eſſent ſua Eccleſia defendere iuramentum teneretur obſtrictus : aſſiam æterna vita diſpendio . Non enim aliena retinere , ſed ſua poſſidere , ex poſſeſſione prædeceſſorum ipſe iuſtum putauit , cui , haud dubium , ſponte ceſſiſſet , ſi id facere ſibi licuiſſet credidiſſet . Probatum vas igne erat , excoctumque forma- ce omni rubigine carens . Hæc Cardinalis : Hadrianus Pontifex , & Ioannes , Ignati- um , quod temerario calcaneo ſuam iuriſdictionem occuparet , atque adeo ſur- ripuiſſet , monent , & cenſuris feriunt : Cardinalis Baronius in cenſuras eum non ine- ruiſſe aſſerit , quod non aliena retineret , ſed ſua ex prædeceſſorum poſſeſſione poſſideret ? An non hæc eſt cauſa ſereniſſimi Principis Venetiarum , imo multo inſerior , nam tunc de Eccleſiaſtica iuriſdictione inter lummos Pontifices , & I. Ig- natiū decertatū eſt , inter caput , & mēbrū , erāt . n . tūc illæ duę eccleſiæ vnica , Latī- na , & Græca . Hic agitur de iuriſdictione Principis ſecularis , quā ipſe Princeps ob- ſtrictus iuratiō tenetur omnibus modis defendere . Quod ſi Cardinalis ob hanc cauſam negat Ignatium cenſuram iam illatam incurſiſſe , cur hortatur Summum Pontificem Paulum , vt eandem ob cauſam Sereniſſimam Rempublicam Anathe- mate ſciant oportet Iudices ſemper ſui ſimiles eſſe ? & pro veritate conſtantiſſime depugnare ? ſed te interrogantem audio , quam cenſura Ioannes Papa Ignatium illigat in epiſtola ? excommunicatione , niſi fallor : nam eum priuat cor- pore , & ſanguine Domini , id eſt communionem fidelium illius Eccleſiæ , excom- municare autem eſt communionem priuare : deinde ait Ioannes , Epiſcopos ab Igna- tio miſſos iam eſſe excommunicatos , quod nimirum in alienam meſſem irruerāt . Ignatium igitur etiam excommunicauit , quod eos non reuocauit . Ioannes etiam IX . Pontifex ait , Ignatium ab Ioanne V I I I . propter hanc cauſam anathemate fuiſſe percuſſum , vt teſtatur idem Baronius anno 880 . n . 11 . & 12 . Poſtre- mo Cardinalis ipſe fatetur , a Ioanne fuiſſe Ignatium a Catholica communionem ſegregatum , quod quid eſt aliud , quam excommunicatum ab eo fuiſſe ? Verum ſi quis contē- deret eum ſuſpenſum , non excommunicatum fuiſſe , quod falſum eſt , tamen i . dicendum eſt id eſſe contra verba monitorij , nam ait corpore , & ſanguine Do- mini priuatus eſto , ſi eſſet ſuſpenſio dixiſſet , miniſterio corporis , & ſang . unis Domini priuatus eſto , non corpore & ſanguine Domini . a . noſtram ra- tionem eundem habere vigorem , nam ipſe cenſuram , atque adeo Summi Pontifi- cis ſententiam non ſeruauit , quia ſine dubio nullam putauit , propter eam , quam Cardinalis aſſert rationem , quia ſua poſſidere , ex poſſeſſione prædeceſſorum , ipſe iuſtum putauit . Neque eſt quod quis putet hanc ſententiam fuiſſe excommunica- tionem minorem , nam excommunicatio minor eſt ex leuiſſima cauſa , & non infligitur directe , & ab homine , ſed conſequenter , & a iure : at cauſa Ignatij erat grauiffima , vt patet ex verbis Epiſt . Ioannis Papæ , & infligitur ab homine cum a- lijs ſummis penis . Iam vero ſic poſſunt quæ Cardinalis dicit , quamuis pugnan- tia videantur , apte congruere , eum a Communionem Catholica fuiſſe a Pontifice ſegregatum , & tamen in Communionem Romanæ Eccleſiæ , poſt obitum cum miraculis claruit , à Pontifice fuiſſe retentum , ſegregatus quidem per ſen- tentiam fuit , ſed nihilominus fuit retentus , quia nulla fuit ipſa ſenten- tia , quoniam propterea non ſeruauit , quia ſuam iuriſdictionem putauit , non ſue

# VOTVM EXCEL. D. IOANNIS MARSILII.

ſine magno peccato occupanti poſſe derelinquere. Quare Illuſtriſſi. Cardinali nouum non erit, ſi ex ipſius ſententia Sereniſſima Reſpublica puret, ſe in Catho-  
lice Eccleſie communionem reſineri, cum tamen cenſuras, à Summo Pontifice  
Paulo, tanquam nullas, non obſeruet, id enim efficit, vt ſua, ex poſſeſſione præ-  
deceſſorum poſſideat, cui eſt iuramento obſtricta, nec poteſt aliter facere, aut per-  
mittere ſine æternæ vitæ diſpendio. Ex his facile, non ſolum ipſi Cardinali, ſed o-  
mnibus conſtare poterit, quam fuerit eius votum, non ſolum à ratione, verum et-  
iam ab ipſiusmet voto alias in ſuis annalibus declarato, alienum.

Hæc habui, quæ de hoc voto in promptu dicerem. Quod eſſe ipſius Dn. Cardi-  
nalis nemo eſt, qui dubitet, tum ipſius confeſſione, cum aliis firmiſſimis argumē-  
tis, cui non diſſimilis eſt nunc primum, Typis mandata Patæneſis ad Rempubli-  
cæ Venetam, quæ quoniam nihilominus eſt aculeata, atque adeo acrioribus ſtimulis  
obarmata, mihi quoque Deo bene iuuante Clypeus fabricandus erit, quo illa  
non ſolum recidant, ac redundantur, ſed quo ad eius fieri poterit, in ſuum reuer-  
tantur auctorem. Dixi.

